大 乘 起 信 論 義 写言

池 重 雖 逸 典卷 內典於日本自 ~輪刻 聯總 起 記以 帙 首則瞠 **碎語意**不貫蓋圭峯 隋 能 繁求 棲憨 乎其後矣。藏內賢 唐以來無慮數 如原作之 · 其簡 **六朝以** 縁起 沿 知 為 迄 氣 疏 明光 科會 略 呵 一家。雖各 成 〈首疏】 刻 也 於徑 如起 本也 五卷。 有 Ш 種。 信 蓮 求

溢 緒戊戌仲冬之月石埭楊文會識於金陵刻經處 作於義記之先蓋別記 排定務使論文記文自成段落庶 數年復獲別 行間。後之覽者恍如親承指授也。另有別記 一成完璧云。日本南條文雄與余友善。此記頼 」其嘉惠後學豈淺鮮哉 行古本真藏公原交 所詳者義記則略之 幾作者義味 雌校再 遂

乘起信論義記卷 能所。非生非滅四相之所不遷無去無來三 恆殊不 謐虛凝未嘗乖於業果。故使不變性而緣起染淨 大真心寥廓絕言象於筌蹄,沖漠希夷亡 任因緣而起滅雖復緊興鼓躍未始動於心源靜 動故即水口 能易。但以無住為性。隨派分歧逐迷悟而升沈 唐京兆府魏國西寺沙門釋法藏撰 个捨緣而即具孔聖致 THE PARTY 一辨於波水無異動之津故即波以 一。其猶波無異水之 A. 10. A. 1 一境智於 一際莫

貫但以 將欲啟深經之妙旨再曜昏衢。斥邪見之 而莫返爰有大士厥號馬鳴慨此頹綱悼斯淪 師 正趣使還源者可即返本非選造廣論於當時。 **益羣品。旣文多義邈非淺識所闚悲末葉之** 大乘深旨沈貝葉而不尋尋有盲徒馳異路 (藏匿濟乏於孤窮衣內明珠弗解貧於傭作。 沒後異執紛綸或趣邪途或奔小徑遂使宅 八如來 (斯論) 、者矣然則大以 在世根熟易調一稟尊言無不懸 可謂義豐文約解行俱兼中下之 包含為義乘以運載為 頭眸令 述

何 將 爲論故云大乘起信 解 越七釋論題目: 初 一顯教分 教起 起 釋 何緣。 洞 此論略開十門。 /對境 是首何 因 1者。略1 源之 何題 齊四教所被 由 何起士 Ķ 智隨機巧妙之 造 依 論。餘義 論時節。力 測 因 何本 一辨教起所因。 機 何益。 、綠決定 五能詮 依何智 六 藉 下當別辨。 初依何智 √辯。十 何 往 教體。 地 示何法 一諸藏 者 為 論 **六所詮宗** 調依 何義。 十隨文 攝 論

門析 義成就故解云此初是根本智爲依己 一義辨才故三者果字義成就復是滑利勝 乘之中起信之法是所示也三云何示者謂以 法者謂一 種。 是言說教爲果是故教起內依智也二 義理復為 味大乘作法義1 心 門三 人智謂 三大。由此善巧而得開示 · 輸宗因方令 無漏智故。 大四信五行等法此即是 一種。分一 一心法復作 體性 義理明了 一是後得日 |成就無

由何起者謂由菩薩大悲內融愍物長迷由此造 論法施羣品十 慧故四已思解者令得修慧故五已修行者令 **綠於眾生欲令離一切苦得究竟樂故造** 令此教典更有六因。如瑜伽六十四云。欲造論者 生信故二 分別故能造論。七為何義者謂助佛揚化推 正護持遺法令 人故。六已 何力者謂歸命三 已 一證入者令圓滿故略有如是十因緣 一信者令得聞慧故三己聞者令得思 久住世報 佛 恩 故。 八 以 幾何盆者略有六種。一 實承力請加賴 彼勝力有 公何綠者 未信者 斯論 邪 證

論并大毗婆沙等各有因緣可尋彼知之。 要具六因 失沒種種義門重開顯故四為欲略攝廣散義 信解有情由此因緣隨 五為令顯甚深義故六欲以種種美妙言辭莊嚴 一明藏攝分齊者有二 一淨信故此論下八因綠等及十住毗婆沙 ·羅藏。或云素怛藍或云脩妒路等。並 故教則為二 **義當廣流布故**。 一初約所詮三故教則為 |前中為詮三 當能入正法故三 |學 成立|| 欲令種 為

戒能 故。今翻為調伏謂調是調和伏是 毗尼古翻名滅謂身語意惡焚燒行者義同火 毗 御身語意業制伏除滅諸惡行故調伏是行即 所應說義及 無比。達磨云法。即無公 詮 經 戒 即藏持業釋。 層藏或云阿毗曇古譯為無 止滅故稱爲滅或云淸涼以能息惡炎熾 行調伏之藏依主釋以從所詮 走信第 所被機故名素怛藍。即詮定之 名毗奈耶藏或云毗那耶或 地論 折伏則調 法謂 里 爲名故。 〈穿攝 阿毗 教 和 然 控 相 持 阿

對智 伏法擇法敷法通法大法等並隨義之名。如餘 問若此三藏於彼三學各詮一學。何故雜集論 一慧即對法之 相分明指掌如對面見故云對法對法是 **耶開示慧學名阿毗達磨答若依剋性** 於此故云無比法今譯為對法謂阿毗是 云復次開示三 若依兼正 磨是所對境法謂以正智妙盡法 一藏亦依主釋從所詮爲目。又或 門則如集論說以經寬故具 學立素但藍開示戒定名毗 門如 所詮 前

來滅 佛說馬鳴善說法要 伽 種。 准 相。准 第末 義經皆 《後菩薩 瑜伽 趣信飯 此文 名摩但 被 所作。 說 證縱 論 謂諸經典循環 一此藏收因此通論 種 類故 加他說 對法 理 既言善說即是 |迎謂 藏 、彼攝。 於 中 一懸許 達 是 研覈摩怛 摩藏收 處世 准摩 說此 說此 E 來 尊 訶摩 論 攝問。 理 懸 既是. 即 廣 迦 EIJ 耶 加 懸 別

菩薩理行位果名菩薩藏問經中爲諸緣覺說 問彼三及二 知義解云是故為彼聲聞鈍根下乘依法執 藏由上 設三藏詮示聲聞理行果等名聲聞藏為諸菩 法。何故獨覺不 利根上乘依三 有淺深故台三藏分為二 下乘差別故復說為聲聞藏及菩 一云何名藏答。由攝故謂攝 |無性二 立藏名答若依普 | 乘而立三藏今依攝論 一無我智施設三藏詮示 種故莊嚴 正也問何故 超 論第四 一昧經 切 所應 薩 藏 因

略述十 第 藏攝。 爲 國 宗前中此方諸德立教開宗紛擾多端難可具陳。 並 立是故經論開合不同。如是此論一 行少分不同分三 一教相亦有多門略舉五家亦如彼說今中天 藏法師地婆訶羅唐言 顯教分齊者於中有二 藏謂同斷我執同證生空果同羅漢故不 家如華嚴疏中。又古代譯經西來三藏所 起信論事 一乘藏約彼理果全體不殊故 與此聲 一先敍諸教。後隨教辨 聞 一蔵之中菩薩

論立 轉於 問 承 說云近 顙 彌 性 戒賢 四諦小乘 勒 異部歸誠。大乘學 《猶未說: 種教以 因等。 無著近踵護法難陀依深密等經瑜 已遂 叉 (由緣生無人 所承宗異立 智光並神解超 那爛 輪說諸 無 相 《我理』即 、乘爲真 陀寺同時 人仰之 有為法 我故翻 教互違 四 倫聲 如日 阿含 義謂佛 從緣生以 謂戒 高五 月獨 等第 外道 德 即。 初 則 破 論 說 鹿 卯 時 師 園 師

明無相 解深密 時具說所執性空餘二為有契合中道方為 **禀提婆淸辯依般若等經中觀等論亦立三** 有邊次唯說空即墮空邊既各墮邊俱非了義後 中就大乘正理具說三性三 依解深密經判二智光論師遠承文殊龍樹近 乘明境空心有唯識道理以 於依他圓成猶未說有即諸部般若 「諦明心境俱有次於中時為 經等是故於彼因緣生 巴言俞美已 乘爲眞了 義謂佛初鹿園爲諸小 一無性等方為盡理即 根猶劣 法初难說有即墮 彼 1 等第三 說法 一教以 根 時

aļ. 畏此真空 平等真空故作是說於第三 外道自性等故說因緣生法決定是有次 相大乘车 乘說 乘 辨心境俱空平等 綠生實有之執故說依他因緣假有以彼 有所 此緣生即是性空平等一 一故猶在假有而接引之後時方就究 |所說。既各聖教互為矛盾。 論 得等為第一 師般若燈論釋中引大乘妙智 一義謂無會無不會 **味為眞了義又初則漸** 一時。非眞了義也此三教 時為上 相是故即判法 說無相 則漸破 一說

初 具闕以明 設教門。了與 乘者說此一 攝 毀是故二 中各各為 旣並聖教 時难為發趣聲聞乘說第一 論四意趣中眾生樂欲意趣於 三時中普爲發趣 。初中有二。先約攝生寬狹者。依解深密經 說不須和會一 了不了。二約盆物漸次顯理增微以 隨 一各唯攝 八悉檀是故雖有相違而 緣盆物。何俟須會。即是智 不了有其 類機攝機 切乘者說此中 門。 一無不會者。通論此二 一時中唯為發 約攝生寬狹言 不盡故各非 法中或讚或 論 可會亦是 四悉 趣 所 教

第三方為了義、戒賢所立依此門判第二門內 雅說大乘。第三具說三乘前二各互關教不具**故** 乘益。益未究竟故非了義第二 迴 約言教具闕者。約機取殺。則初時唯說小乘第 一初約盆物漸次者謂初時所說唯令眾生得 向 乘故云普為 了義後 能令趣寂 大菩提故是故經云雅此 一時中曾皆令得大乘之盆縱入寂者亦令 起信論義記念 具三乘教滿為了義由此等義是故 | 乘亦得大乘。是故此說亦非盡 切乘說攝機周盡方為了義 一時中雖盆通大小 則

难 理至究會綠相盡故為 刖 為究竟了義 所說顯理未周會綠未盡故非了義後 乘故 已百角更已入一 也 、說緣生 兩宗各 聖 乘。答此難諸德總 一教各依 大乘亦即初 所 為假 立依 約顯理 説小 7 此 義。由此等義是故第一 有。後說綠生 壓負 明權實互不 难 乘。 增微者。初說綠 門判由有 何 小乘。次具三乘後 故華 此事為 ۱ خ 如 此 違 性 顯 種 初

時 此 难 漸為其頓 法次第若約 說大是故難 **炉集改唯** 爾密 輪有此漸次若 密何 理 那若 迹 旣 力士經 說大就通 演異類 聞 不齊又 祕 是漸教應 密 聞自 門則 云岩依顯 等解就 頓悟 無聖教故亦 顯 初時具說 而 同時皆有若 小密 了 則最 說小岩是頓 耶 門 難 初 則 判此 爾則 如 依。 前 教 初 顯

例 如 唯見如來從始至終但說小乘。如 初鹿園說法之時無量眾生得阿羅漢果無量 見如來從始至終但說三乘如密迹力士經說。 初中自有三節。 大乘者是 一 得 彼 乘如諸大 有一 聞是亦難 說大品經中亦同此說是故後時 辟支佛道無量眾 起言角度已及已 爲此世根定者說。一 一或有眾生此世三乘根性 乘經中 解。今 或有眾生 說也三或有眾生此 此難汎論 生發菩 一此世 提心住 小乘諸部不 圓 根 熟者則 性定 說 地 等廣 法 佛 說 难

時教也。 經等說是故諸說各據當根 Ell 性熟者則唯見如來初樹王 則初聞 定根者有二位。 三昧說無盡圓滿自在法 了教。後具說三 | 乘位者則初聞唯小為不了教次唯說大亦根者有二位。一此世小乘根不定故堪可進 **为不言言類為** 乘根 一乘方爲了義故有深密經中 此世小乘根不定 了教。次通三乘亦非了教後 不定故堪可進 /所立當此意也是故 所 門雅為菩薩如華嚴 下華藏界中依海 改堪 相違也。 乘

也此 緑起 此宗中許 宗即解深密等經瑜伽等論 四。 教辨宗者。現今東流 宗郎般若等 前後或無前後也上 ļ 則依 宗郎 隨相法執宗即 Z 理 中。初則隨事 楞伽密嚴等經 起事差 如來藏隨綠成 經中觀等論 緣起無性 一別說, 來總明敍會諸教竟第 小乘諸部 執 切經論通 四 起 同如 則理 相說。 阿頼 所説是也ご 信寶 所說是也四 是也一 事 耶 大小 則事 融 性等論 則會事 通 則理 無礙 徹於 唯識法 乘宗途 真空無相 所說是 瀬 理 如 徹 説川 來 說 相 隨 於

立 政 四宗亦無前後時限差別於諸經論亦有交參之 同為誇大 此 有無姓有情答論有一 如瑜伽等說。 四教所被機說有一 个皆當得菩提故問若諸無姓 種姓及 是無著世親所立四是馬鳴堅慧所立然此 四宗初 可准 **赴作篩莠註** 知。今此論宗意當第四門也 則 不定性是此所為餘三 小乘諸師所立。 一約實教。 重。 一釋故佛 約權教即五 切眾生皆 則龍樹 一非此门 此 提婆所 所為 種姓 無

後菩薩 邪 故 問如 應道 心也。准 機緣感故如是 生雖多要當 見者見 妄見眾生 關利 理。 出言命意志经过 此當 有難言若諸眾生 叉分 他 界故妄起 論第二 知永無種 行以 界增見 諸佛利他 有盡是 一難君 紅無所: 卷 滅 性非盡 此難。改一 為 中們說無佛 為 功德亦 化 見問我 界減。 諸 過 有佛性必當得佛 通 眾 亦則 理說,楞伽文| 叉若悉有性。令 增 所 生故關行成佛 斷 E 减 所 絕。 設難。 無所 可證 並

滅令立 減見不 文何者。若諸眾生 身即眾生眾生法身義 佛界不增眾生界不減故彼經云眾生 爾汝於有性 一界。設 有此 離汝執當知經意明 スイーで言うにスプ 加 既起減見。即於佛界必起增見此 無性眾生常在世 飛行以功不 鳥飛於虛空從 悉皆有性並當解脫則眾生 西 遠 何以故以 名異解云況 虚故當知 切眾生 西向東逕 間故無增減答若 /虚空 即法身法 時成

餘謂意生身變易身也又無上 週心要で 論等廣 餘依涅槃界故佛性論第三三二 有迴心此不待言若決定種姓未入 煩惱餘謂無明住地。 、能離二乘迴心者若不定種姓未入無餘前 心限量斟酌起增減見旣其無盡是故三 ,明無漏界中有三種不思議變易生 THE WASHINGTON 八無餘方有週心以二 廣大雅是 如來智所知境。 一業餘謂無漏業三 乗人 |依經勝鬘經寶 一乘人 無餘前定 有三種餘 个得無 果報 一難無

涅槃 理必不然以未週心有分段故週心已去是漸悟 乘無餘體雖滅定亦通方便故云諸禪也。由彼 華論云方便 知定是一 、無餘依。法爾皆有變易報殘而彼不知謂 而實 一乘旣不能知此 (但是未燒身前期以滅智所得滅定) | 乘自位無餘依中。大乘說彼有三 | 乘故論說|| 乘有三 涅槃城故涅槃城者諸禪三昧城 般涅槃城故解云以 一餘故。是故化火燒分段 一種餘非菩薩故當 /此當知 一種故

薩所行。自於所得功德生滅度想當入涅槃我於 無上身。此亦利於前不乏萬劫。第七位如法華第 伽云三昧酒所醉乃至劫不覺酒消然後覺得佛 果及獨覺人 位謂八萬六萬四萬二萬一萬等劫如次以配 三云。我滅度後復有弟子木聞是經不知不覺菩 本有佛性之 八萬乃至三念由佛根欲性智爲增上 刀故修大 佛更有異名。是人雖生滅度之 八此五如彼涅槃經說第六位中如楞 、乘道。然此利鈍遲疾諸聖教略有七 力。令心還生於淨土中逢佛菩薩 一線力。 想入於

樂而於彼土求佛智 佛教化人 所執無餘灰斷即便候彼所引眾生是則諸佛 利根亦捨 滅度更無餘乘。除諸如來方 理定不然若 理故知入寂迴心定 此引攝亦學先入 乘要入寂己方乃迥 分段 眾生便成大 是化作必為引攝實類眾生若彼眾 大乘亦有 、涅槃已即於佛土 慧得聞此經。 怨何名大悲方便攝化旣 無餘涅槃後 解此經文 非變化此 便 心不同不 說法 方週 一受變易身受 是變化聲 也解云。 小定性 七位並 佛 心而 此

發菩提心。又旣但云根未熟不言總! 提心也解云決定聲聞旣在所記之 佛為授記謂應化聲聞退已還發菩提心也決定 退菩提心聲聞四應化聲聞後一聲聞以根熟故 所授聲聞有四種。一決定聲聞一 聲聞。增上 迴心為有不迴者答一切皆迴何以得知法華論 有性又被論云。我不殊汝汝等皆當作佛者 **云授聲聞記有其二** 寂前有迴 工學完整物學 一慢人。以根未熟。菩薩與記方便 故問為 |種。| 者如來。| 一切定性 増上 者不輕菩薩 E 不熟故知 一慢聲聞 故 入寂悉 今發菩

如佛性 聞 所 生 乘 解意非謂說有 寂 有佛性 解我意者 皆 有離有 餘 論辨故 去彼 迴 心 經 論 耶 也 體者。略作 離無此之謂也是故 說故故 問 答新 明佛性 也 准此 何 可怪又 分無性 經 法離 釋。 新 四門。 論中。據未 涅 相違。 翻 操經中 佛性 經 有離無隨 論 薩與記 叉教 隨 [相門] 論 說 、寂定 言 函 佛 切 明 執 故 雅識 寂定 知定 性 迴 佛 取 心。 別 性 無

所引聲謂諸聖說三或具前一 中聲表善惡聲是無記。名句交亦是無記。云何 性名句文等聲上屈曲假立無體故雜集論云成 經云有以音聲語言文字為佛事。又十地論中說 記為聖教體答諸佛菩薩後得智說故俱是善 〈為性、以聲是依非正體故。唯識論云。若名句等 異聲者法詞無礙境應無別。 歸性門四 論名善字等是也四或俱非二事的 一事說。聽者以二事聞謂聲名等也問。大 き言論後出る凶 無礙門。初中有四句。 一事方為其性維煙 一或难以音聲為 或唯以名

無示其聽法者無聞無得 離心念則無 者識現爲增上緣令聞者識文義相現下論云。若 別 **义聞者識上聚集現等是故** 說即不說故。文字性 取前 **教互有無礙是大乘教也**。 所顯現下論云。难依心現不離眞如三 三通小乘。具斯四 为不言言语名 識無體唯是真如下論云是故 切境界之 離 記為大 相又攝論名為言說識 此之謂也於此 故經云。夫說法 切聲名句等皆是 The state of the s (乘叉 唯識門者。謂說 四 四 何 何 切法 歸

之。五 為生 以 第六所詮宗趣者先 融無礙交徹相攝圓明自在亦相障礙以爲敎四無礙門者謂於前三門心境理事同一緣起即言說假名無實但隨妄念亦可得故。准此而 五教通諸法四一心法有二四 一解之義悉為教體准之。一教通諸法門者謂編於六塵一 為趣。即具境行果三也此中境 一門放皆各總攝 總後 別總中以一 切法成。思 一切所知境總 心法義為 阗 以 體

舉事為宗·顯思 用義意為趣。 用義意 等三境行)與趣 別顯 為宗 何 成 相對以為工 趣 信不 入位。 略 有 **運俗境為宗**地域。 趣。 文令捨言取意等.一理事相對. 五重.一教義相對.以教說爲宗. 為無避此 部所崇 趣此五亦 下文從生 地 日宗宗之 成 入證為 如來並 滅 門 趣五 所 如 趣

境揀心 所 濄 心境合目。故 信之境體能爲義起信即能信之 行非小 七釋論 **喻為稱運載為功法** 引出 者約用謂即佛: 題日者、大者當體 **喻合學故云大乘。大乘**即

性於三 界故。 智 性 性 大性。 方便善 菩薩 行大性。正 知廣 道 巧大 法 劫阿 綠 7無所畏 性不 僧 補 祇 解 死際示 住 耶方便 論 云前五 特 生 不共 無量 切自 伽 羅 死 勤 法 及涅 利 約 法 現 應故 等 修無量難行 利他 經廣 因後 無我 槃 切成菩提等 · 於六證得· 量 放。四 廣 **「精進** 行行 行故。 為 瑜

善深信 眞淨德· 種。一種 有多 自1002年最近12/67 水清珠雅識論 | 深信樂故。三点 信實 門論 能得能成。起希望故依 為緣於此勝境發希 二信有能謂於 二信有無 中信 佛 性。二 起以有本覺 別有三。 性又 有德謂於三 一信實 梁攝 切世 能

論 名也 馬鳴菩薩造者。馬鳴之名依諸傳記。略言 遠 悉悲鳴故立此名三此菩薩善能說法能令諸 信據信成就處說謂入住 離行等。又 故也論者是集義論也謂假立 此菩薩初生之時感動諸馬悲鳴不息故立此 理故 此菩薩善能撫琴以宣法音諸馬聞己 機故故下 華嚴云 食七日因此 爲論是故名 信 云自信 不退使前信心成根 為大 源 功德毋等此中 賓 性知心妄動修 乘起信論也言 主往復折 有三 釋。

第八造論時節者。諸說不同。今依摩耶經云。如來 菩提勇猛求故立此名也。言造者製作也。 是所求法薩埵是能求人心境合明人法雙稱故 從境為名耳若從心說即唯悲與智也。一云菩提 云菩提薩埵。三云薩埵名勇猛謂有志有能於大 佛法。有一 六百歲已九十六種諸外道等邪見競興。毁 一比上。名日馬鳴善說法要降伏 · 即所求也薩埵此云有情即所度 云岩具言之應 E

具諦 廣部。問 **真諦亦云拘挪羅陀此曰親依。西印度** 利見以 景行澄明器宇清肅風神 戚 不措 譯經即以太淸二年說承聖三年歲、梁武帝太淸二年歲次戊辰見帝於 懷藝術 [譯經紀] 異解偏 云沙門 素譜 經文為定說也 爽拔。悠然自遠臺 練歷 遊 諸國隨 藏 國 寶

歲更譯 栖遑譯業無輟即汎舶 廣 陳永定元年歲次丙子至 卷 州 佛 1性筆投。 將軍太保 屬侯景作亂。 刺史穆 論 阿毗曇經論及俱舍 國公歐陽 蕭 部 乃適 公勃等於衡 一那等譯語并 西歸業風 源章始 頠 延 訖 攝 住 泰建元 制 論 賦 興南康等雖 一翻論 卷然 等總陳梁 命還飄廣 建興寺所譯 振 一寺。詩譯 旨玄 眞諦

			大乘起信論義記卷一	多,	具無汙或以荷藉水乘而度之。如斯神	大小管 是记忆
					度之如斯神異其例甚	=======================================

為物宣 門。 迴 起自命是已经上 施 羣生之 因為 國 行願也。二 ____ 行願也二約法三者初因緣大願是故三分但成論主光法施之行三末後一頌結說 一立義分

無無失久住不墜三約盆生三者。 高機二立義分下正授解行三勸修分舉盆勸修 今佛種不斷是故三分方成眾生入法之行上三 門中前一別辨後二合釋是故五分皆是正宗以 俱是論主正所作故今但依初門先解序內三頌 為明歸敬辨意分也。 三龍歸儀式四所歸勝相五釋文。初中或有具敬 三龍歸儀式四所歸勝相五釋文。初中或有具敬 三龍歸儀式四所歸勝相五釋文。初中或有具敬 三龍歸儀式四所歸勝相五釋文。初中或有具敬 三龍歸儀式四所歸勝相五釋文。初中或有具敬 三龍歸後式四所歸勝相五釋文。初中或有具敬 三龍歸後式四所歸勝相五釋文。初中或有具敬

請 致敬:一請加護故謂末代澆時傳化!則不聞由此三思得成慧悟。今傳此 寶亦有 論主自是 由自)人率已 無其法無所 一敬意者 信。 通故須致敬三 四敬儀 暉佛日。豈不敬]造論人 不信受要歸 一為生信故 法理須念 世間忠 無僧傳 恩

歸異相者無過三業謂表佛天眼見其身禮,中發心趣求·信解觀察供養歸依是故頂禮,顯勝故六益物故謂如雜心說爲令眾生於 開處具三 及故頂禮。三

及彼 義。 前中亦二 靈 命歸 命 所重莫此為先此 敬深廣前中歸者是趣向義命謂已身性 為初重後輕以小 清諸佛; 經中。毗 向三 起信論義記念主 相。法 一初歸命者顯能歸誠 沙門王 寶請加製述故云歸命。 教命此明論 性 命。問歸 **眞如海。無量** 1.明論主 歸 命與稽 命 一無礙自 主 得 敬奉 功德藏如實 稽 何別答智論云如 至 不壞信盡 如來教命傳法 盡 歸是敬 大悲 已 」所重 命。生

齊敬。二云於十方內非直各歸一二等刹亦乃 可知。一所敬中亦二。初盡十方者明所敬分齊。然 佛寶次三句明法寶後 故。故盡十方也二辨所敬三寶於中三初三句三寶 傳編故敬心廣大故簡異小乘故為論標 方所各盡彼方無盡世界一 中意業為重如仙人起 云非直歸於一方三寶乃欲盡於十 句明僧寶。初佛寶中。 順合 切三寶何以爾者。 三國 命是意 死等

謂佛也二 經云如 即業 分別。一 語業勝者者謂結 等別顯 利德 Intian designation and a 一約二 釋 來 於 中 可知。謂 利 勝德業二 無盡智慧亦 內有編知之 分別者。 結德屬 利 功德。 猵 知意業 總 圓 滿 最 標 ,謂具上 智,勝 復 業 者 勝無礙 然 知 總 謂最 諸德 無礙之 舉漏 同此也 身業 也 知等 之 色勝 者所 勝悲 約 別

偏 謂 倒 身以法身人 俗 知有二謂 徧 **严嚴不思議法品說。今略辨而炯別色無礙者如來色身自在俗智編知心生滅門緣起差別** 雅說此 事無礙 等明佛 一謂一<u>具智</u>編知心量 相。 法 互用 法界而 也 寶攝故。最 礙謂 亦 心真如 解 勝 **上別等。理量齊** 諸 在 如 四 者 1此中1 門恆沙 無礙乃有多 根之性 種。一 釋業 明 功德 消業 報 鑒 無 等。用 種 無

悲悲亦有三 種此明眾生 等。四應 中最勝故云大 不礙行等。思以準之 救大悲者能永救濟恆 知佛實竟第 流普 機 里苦倫藏主公上 一碗業用 無礙。謂圓迴之 一世間是 種謂緣眾生法及無緣無緣之悲 現在 悲佛性論 無)救世 所救也救謂能救即如來 實中汎 丽 等者。世 云悲者暫救濟不能 不捨離。者謂結德 屣 論法 彼。在 齊應多 謂 即智說 彼 世間有其 而 圓今此 四種 不礙 機頓感。 智 此 眞

謂 非 敬 莜 標後二 體 寶與前佛寶 於佛寶亦乃 一義。彼身體 起 也 會 相謂 題身之 圓但歸 相 スイ言言語名: 一釋初 相大 體相。是 理果是 中及者有二義 是 本故 相 敬法寶此 二事故云 顯 法身屬 佛與法 用大中 云彼身 故約 理法也。文中三 辨佛 及。 及 佛 相 相 寶 攝以彼 受用變 (言顯佛與法 是合集義非 離是非異義 也 是 以 相違義顯 下二 句分二。 明法寶是 何 化 用 釋 世 此

情深廣之義論云。在 通與一 一數中名第 變 釋 巻明此 異義具者體非 變無變之性不 不變釋 疑疑云真既不變云 動静無二 西東Jim人田 M文 ボコング・・・ 切法為 法 云如海因 近性言真 性 眾生數 ·礙起 思 偽 卽 之叉 (如孝 風 妄 顋 が如者 浪浪 起 何隨 眞 一釋題 於波 如 此 於 性 雖 明法 徧 爲 浪。波 萬 染 無改異。海者 動 真如 佛性 淨。旣 性偏染淨時 染淨通 雖 起 隨 盡 染 德 約

法謂教含 小菩薩等 可知次釋 寶竟第二僧寶者僧通 無量功德 像 爲 支不言等自名字 勝是故此中唯歸地 所詮之功德。 不現 如實修下文云。依法 類甚深 藏也當知此 大中謂此法身如 功德故云藏有義 叉有奇特 行攝所成之 中通 (凡聖寶唯聖位,聖通大 種 四法 來藏中含攝 相 此 一大菩薩僧 並況真如 無盡清淨法 亦攝敎 寶俱有含藏 功德。是故 淮 謂證

爲欲令眾生。除疑捨 爲 舉正體等取後得故云等也依法集經總括萬 修者謂滿菩提願復次如實修行者謂修行布 歸敬三寶竟。 不放逸修者。不求報等此中亦舉初等取後可知。 正體後得說 一味。二偏 一修行被經云。如實修行者發菩提願不放 申敬意中、餘論之首多申一 修 行備知一心有恆沙法界今此文 前後也又依實性論就地 一修行。彼論云。 邪執。起大乘正信。佛種 如實修行了如理 一意謂利自他 中 故

佛種 遠 生雖多三聚 波羅密流行世間為佛種不斷文中四句分三初 八位眾生<u>至彼當辨</u>。一 舉所為人。 種 云為未入正定眾生修行信心等,兼爲邪定作雖多三聚統收準下文正难爲不定聚眾生故。舉所爲人。一明所成益。三成益意初中所爲眾 不斷如金剛般若無著 斷故三為法 スイミュニティニ 正定具增妙行。別舉下文因緣 申三意 所成盆中有二 故。 論中。由善付 前此教法 盆眾 (住亦) 屬般若

造論是故以下文立義分及顯示 空得而不覺於彼得失都無覺知故令菩薩 一於彼 對治 義令諸眾生正 、慈悲。一遠 邪網等故云除疑 一顛倒解云真樂本有失 邪熱遣 執未 離最 一執令離 解不謬以 知 上第一 捨 何乘 邪執也。 義 苦因故下 除疑惑命悟 起 樂。 正義解釋如 知妄苦 種 具足諸 觀於 云 生悲 旣 來

所說令諸眾 退堪成當果故 不退入 調也 生修行佛因常恆不絕故云 如來種中正因 相及修行信心分成此行也言 云佛種不斷下文云信成就發 正是云起 一離過 **人釋由此** 生田生 成行使信位成滿人 教法 正覺芽是故能令 相應等又 卽 信 傳如前所 翻前疑故 也則以 /釋由 不斷 位

盆也即顯所說之義有其勝用是故應說者起說前中論日者簡論異經之辭也有法能起等者標 前中論日者簡論異經之日有法能起摩訶祈信根 陳所說。 二門三大之 正宗之中有二。先標盆起說一說有五分下 能詮之教義要須起也有法者總舉 功能謂約 法即所說法體也能起大 門信理決定 三寶不壞此中信根 根是故應說 初 乘信 法義。

址。 論上 等。 有五分云 根謂 有信 一正陳所 一來大乘起信是故應說是論也題目依讀所餘法論主因見此益是故要須起 亦 無根謂 一後義 信 亦 **聲謂隨他言信。二是世聲謂勝進上求又根信** 說 根謂此中所辨 於中有一 根 者因緣分。二者立義分。三 有三。先標數。二列名三 契 一義 元紀是故要須起公見理成信等。四七 1 根 信 非相 信謂餘 回 說 信根

初 改名立義分。三宗要5段故稱為分。二由致5 段故稱了 說因緣 慢 是所 釋 依章辨相中釋 次宜 不應故有修行信 舉盆勸修改 分。 致 信心分了 有勸修 分即為五 旣 宜 依 上廣釋令其中標綱要令 一段。初中二 分, 綱要令 行儀鈍根 一先標。後 生解故意 物 解無

非求世間 問 總 答 辨 中 相中初 是 因緣總 離 當 因 四名利茶敬故。 心總相、所謂為 三謂舉數辨以 機故 切苦者謂 爾也。 種。云 經後七是別所 令眾生 何為 相總 結 涅 離三 槃 離 樂 等非 苦 爾者。總 切苦得究竟 求 得 間

故。 別中各 等此之一 攝一切法即是如來所說法門之作發起因緣以彼文中說依一心 總相叉通此 初者與下立 也] 故 起 后 極 及 已 农 二 門通於一 一義分及 如來根本之義。令諸眾生正起下文。別爲當機故。 部論為發起之由故云因緣 一切菩薩之、 解釋 盆 と心非局此論故テ る。法有ス 對 解 生種 治 滅門那 總 相云利

謬 故 義此眾 如 為即 根邪節 成執顯三 法堪任不退

者 心使滿日 住 修 第 此當 正定 根者 **一信終心自分滿** 足 聚中 故此當 修 心進 工修習信心故。 分中 趣 心中点 故 道堪 云善根 四種 信 信 位 也满者。 成熟進 也 信心及 退 位

網 緣以彼文中令業重惑多善
初者與下修行信心分中第四 攝此 故。 等方便消惡業障障輕故內離緣以彼文中令業重惑多善根 為示方便消惡業 勤修 便敢有四也四中前三為下中上三人後一便助成道力故爾也此中根劣退易進難賴此中偏有四者以前三根勝進易退難不假 不大声明記書名で 障善護其心遠離疑慢出 四修行末文而 頂噐癡 難發眾生以 易退 慢外 一禮 策多多 懺 邪 因

者為示專念方 三者與一 當中品也。 勸生淨土 明止觀遣凡小二執故云治心過 一者與下第五修行止 品也 不退也此當 下修行信 型im存起已经工 便生 一觀對治凡夫一 生 الم 因 分末復 品。 緣以彼文中舉 恐後報遷遇緣成退故令往 於佛前 觀門為因緣以彼文中 大眾生 必定 乘 一初學是法一 過故 下自廣說此 勝方便令彼

八者為示利益勸修行故。 一次指益動物修捨。即總策成前諸行也。 一次指益動物修捨。即總策成前諸行也。 一次指益動物修捨。即總策成前諸行也。 一次指益動物修捨。即總策成前諸行也。 第三難可知。 一次有二。初與彼問辭。二以眾生根行 等。一次不在世下別釋根緣。 問 △第 行也。 相 舉

別。 所 演異類等解則不得別謂如來在世界生物 前 刖 約勝時 乙知。 外生利根能說之人色心業際 外滅下明根緣微劣須經須鈴 例說聽俱勝。經交尙無紙素之 不明視勝一 了.故名圓音·華嚴云如來 音及圓音者有二。初如來 能說 、勝圓音 論 音說 傳

音華嚴 切音即 語音偏窮眾 由等偏失其 生界而其音韻恆不雜亂一音一音即一切音故云 經後廣略二 小同: 言演說盡知 八韻曲。則是 切育故云 取解 餘以 圓

或有眾生無自心力因於廣論而得解者 無自心 義能 論。此有義持無交持也。 但依經文。不能解意因他廣論得解經意故云 人義 力也此有文持無義持故。 自力尋略經文而能解經意故亦不 解者。 耐繁文雅依交約義豐之 (廣論文多為煩心樂總持少文而攝 一聞而多 解者。 起 他

如是此論為欲總攝如來廣大深法無邊義故應說 立義分中文別有二。初結前生後 論。 說因緣分。次說立義分。 總攝如來廣大等。如理智境故云深也。如量智境如是此論交句雖少普攝一切大乘經論意故云 持。此文有二。初辨根劣。二如是此論下對此劣根 所說之旨故言心樂總持而攝多義此無交義二 明教之典 云廣也。深廣無際故云無邊也。 ブン・丁字・ブグと

謂先顯法體後釋義理。收義足也 故名大也有二 名中法者出大乘法體謂自體故對智故。顯義 訶衍者總說有三 即宗本法也大位在因通於染淨耳。義者辨大 召義,謂何故此心是大乘耶謂此心內具三 依名辨相 正彰立義此文有二 THE PROPERTY OF THE PARTY OF TH 一先法後義法中亦二 在果。唯取於淨也是故大 運轉改名乘也即依宗所顯差 一種。云何爲二 一初標總開別一 者法。 一寄問列名

法依於 也。今就 總中 則無 和阜 隨 心 句。初眾生 合義以始覺同本唯是真如即當所顯 和 **进作司等首名**卫 門別立。 深生位 流返流难轉 法者辨法 示摩訶衍義 門以其在於眾生 中故得具其一 功能以 則 攝 體調 切世! 位故若在 此心體 間法 種 眄 出 藏心 也 佛 世 間

似故是心真如相即一 心顯示大 产二先 云心通 含攝染 云心法 九責總立 乘三 乘 染 淨不殊。故通 是 淨大 淨。相 (乘唯淨如何此心能顯大乘之一難後開別釋成前中責有二意) 乘義廣如 **元必對染成故今中**八義廣如何此心的 如門 心能示於

下交也言相者即是真如相起下復次真如者依心真如者總舉真如門起下文中即是一法界已是故依此一心得顯三大之義也。立別門中言是大乘體。生滅門中具示三大。大乘之義莫過是三 一文也言相者即是真如 具合染净故能顯也以 釋初意也又心法 雖一。而有二門眞如 生滅者隨熏變動故總相起下復次眞如者依 時則無淨用

淨相及隨染之 別故云即示 門染净既暴詮旨又 體 相 生 一滅之 不起 用者體謂生 滅 因故 也以是 門 業用並 在生 被 直 滅 所 顯體· 顯所示 不起 卽 滅 分能所 門中本覺之義是 門中 故 此 外雅示體 門中故具 一大之 無有 滅 亦辨 不同故不云 中云能 一義意在 體 異相 也 (論) 那 生滅 生 卽 滅

義 必由起立由無有起故所以唯示體生滅是起是起動門應唯示相用。答真如是不起門不起 說釋法章竟。門起必賴不起起含不起故起中具三大餘如下 外故云自也問真如是 有二。先辨大後釋乘,大者起下交復次與如自體相者已下文也此 一者用大能生一切世間出世間 增減故二者相大謂如來藏具足有三種云何為三一者體大謂一

苡。 體 增 那 减 相也 楽 桨 淨 業 是言角度已经证 相 幻 云 大 性 香二 所 德 依 故 返 也種 虧 始 受 流 如 邚 報水來 終之 加淨 化 藏 所 也 德 不空 增 流 異 隨 於 之 顯 故 流 之水 義 云平 闕 謂 淨 用 不 增 减 者

△二正明解釋。釋文中有三一標數二列名 △解釋分中有二。初結前生後。 一說立義分。次說解釋分。 一說立義分。次說解釋分。 一說立義分。次說解釋分。 一說立義分。次說解釋分。 苡。 切不静得 不其 佛本所乘故。一切菩薩皆乘此法到如來,也若爾諸不善法應離於眞釋云以違眞 果 論

執。 別發趣 爲 相 一種門岩谷總攝一種門云何為二。 示正義。一者對 Ē 法心

此 絕初總義 轉千等一味性無差別眾生相義即眞如門也謂非染非 彌 勒 同 動 一際也二 開門 以不動亦在動門是故外淨染淨雖成。性恆了也一隨緣起滅義即生 如來藏心含於 四門二列其二明 離 生滅門中自 一即涅槃不 非生非滅不 不動只 故 一滅門 待滅

樂等廣 倶 善因受苦樂與因俱若 傷惡習 故日 此 切法者上 如二 門舉體通融際限不分體相莫一難以名 所悪名 心有二 部 立 楞伽中說此等並 一門等也 義分中直 識藏又云 絕等又云如來藏者為無始 1生若滅 耶 |該攝中初立。次釋言各 識 云攝个釋中 和之 如來藏者為 猶 而與無明之 之 約生滅門 如 無別 伎 見作 說 諸

泯故 還 知。生 以此是真如與緣 攝 文眞如門中。唯 一故得說為 **與如門也 運成** 三耶答與如是泯 生滅 以瓦器 心也 和合變 泯 (乘體不) 問一門旣齊相攝者何 收微塵等以此 而 門 相 而成事故 題實 存故 諸法諸法 問前 顯 相 既無異 一滅所攝。 用。生 於體 一門齊 一滅

於體理才失故具示於三是故攝義是齊示義 **真如未必藉生滅故泯相不存泯相不存故唯** 體相不相離故如金與莊嚴具若以金收具具無 所遺以具攝金金無不盡良以二 也此義云何下徵責釋成黃云若二門各別不 存故但示於體亦可攬理理不存故應但 不例也 從若本唯一心未容影攝答中言不相離者以 別釋中有 義亦然思之可見。 何者生滅起必賴於真故攬理理 門 別

心 義。二 與如者即是 釋名前中有三。初就實略標次 立中填如相也初中有二 疑。初文有二。初正顯如體) **初舉如體離言以明觀智境釋上** 滅門 復 是故下結眞離妄 次與如者 門即為一 、真如門下明會相入實顯動靜 法界大總相法門體所謂心性 一段真如門中。初標。大釋釋中一 下依言辨德以明生信境釋 以 總舉法體一 一立義分中眞如 切言說下會 切法下會妄題 一問答

界中邊 者。一 言有二 收別盡战云大 聖法依此境生此中因義是界義 初 中 全作真如門為顯此義故云體也就生 一。謂如理虛融平等不一 門之中才 一義故今約體但云 通遊 論云。法界者聖法因為義故是故說法 THE ADMINITION OF 法界者 心也。此一 即無一 門言心性不 取別相門於中但取總相然亦該 法界舉體全作 真心 ·故稱為 爲 也。依生聖法故云 滅者釋 故也言大總 界此 生滅 物解 對下 非算 體 門舉 依 相

妄念而有差別疑者又云以何得知依妄念生釋 「一會妄顯眞中二句。執者云現見諸法差別遷流。 一會妄顯眞中二句。執者云現見諸法差別遷流。 切諸法难依妄念而有差別若離心念則無論云世間不破出世間不盡故也。 **医生叉若此** 相 境非妄所作定實 雜妄念故旣無此 有者 境即驗此境定從

如。 是故 畢竟平等無有變異不 由此 句言語路絕非聞慧境也 結中八句是故者是所執本空故眞心不動 行處 に結準さ 切法從本已 一中故離名字者非在文句詮表中故此 切諸法皆即眞如也離言說相者非在言 滅非思慧境上)來離言說相離 離 可破壞。难是 來 離 念 、離偽妄 心緣者非意言分別 則無等也 慧 世間修 名真。自 離心 名眞 緣

△第二 名。 相釋遣。 境雅正智與相應也言畢竟平等者雖偏通染淨 **튏也雅是一** 者以不同有為可破壞故此則在染不破治道不 會治執一 而性恆無 不改改云無有變異也所以在有為中得不變異 切言說假名無實但隨妄念木可得故言眞如 一會執釋名中有二光釋後結釋中有三初正 一言說極下豹名釋疑。二此眞如體下 心者結歸法體故名具如者依義立 一故也所以得無二者以在緣時始終

初 非 誵 相 說之極因言遣立 寬不相違也亦無有相者遣於相也良以離名字相何故復立此眞如名故今釋遣凡愚聞上眞如名。則謂論主自語相違上 立。俱是徧計所緣故楞伽云相名常相隨而 如言取也 於約名中二句。初立名分齊。次立名之意。初中 但隨妄念等者釋 切言 也 成無實 藍 到 非實不 名假文也依名既恐

此 雅 種名 存此名亦不遣名。如打靜聲若無此聲則不止言者立此極名為遣於名。若無此名無以遣名 後更無有名 疑 此中意 云真如 若為存此聲 數 云旣絕名相。但假立客名者何故不立餘名而 內眞如名是第十究竟名故云極也。因言 皆同 趣亦爾善須消息 耶釋云。與如者是言說之極謂 則諸名之中最後邊際故攝論中 數打靜即自喧故亦非止 切法悉皆真故亦 此名 聲。當

也 虚妄名相不遣具 如 不遣者下句釋云。以一 云亦無 外 既聞眞理不遣則謂有法可立 亦是 可立。以離妄情故。 可遣之 云外 如實法。以是妙智觀境故。何之法。則生斷見故今釋云。但 云以 切法悉皆真故無法可 前文 可遣者非以 切法悉 雙遣眞如名 何以不立者。下 眞體遣 一當情緣 一等者有

其一切法言此中應成四句。一約眞無所遣以俗類未曾不顯東何所立也又準上文二門皆各總如未曾不顯東何所立也又準上文二門皆各總如未曾不與東何所立也又準上文二門皆各總法皆同如故以一切生滅等法本來同如故此具 無所乖以眞卽俗故。四約俗不待立卽眞之俗 說生滅門。良以二門唯一心故是故眞俗雙故。由是義故。不壞生滅門說眞如門。不壞眞 如不待立也何以不待立。下句釋云以 也。亦無可立者。旣諸生滅 此四句中前二句在真如門後二

當 念可念是]就第二 答 第 也 問中。云何隨順者問方 若 知 結離言絕慮也。 切法不可說不可念故名為眞如。 如是義者諸眾生 問答釋疑中。先疑填絕 名隨順若離於念名爲得 ATT THE ATT GET A TEN AT THE 法雖 說無有能說 、如門。故但有二句 便觀而能得 一等云何隨 說雖念亦 八者問一 能得 耳。 觀

離念。而順於無念故名隨順此 雖在於彼言念等中觀 無念非滅於念非滅念故名 念故皆無能所離於常見於 無二之法故能稱順中道隨 己卽能離茲妄念契彼無念眞理故名正觀念而順於無念故名隨順此釋方便觀也久 是境界難見。自心清淨可見此境 入者。觀智契 亦 一初中言雖 入也十地論云智者 說雖念皆 此念等常無能所雖未 | 雖念離於斷見即 順法性也又 念間離此二 無能所者明念即 八亦可

復次 章略辨三 言示現依言求解故。 初中依言說有二義者顯此二 此真如者依言說 味<u>今</u>既依言故說有二不 物信解故說此文故地論云何故不但說 一依章廣釋。 依言眞如中文有三。初舉數總標。 「如實空以 分別。有一 能究竟顯實故。 功德故 絕分想 可卽隨言 一種義 義若離於 き 也 執 言即 取 也 開

能 一故述能 非謂 有二 取所取有。有能取所取 故也佛性 不空與法 惱故云具足無漏性功德故攝論云四德二種一異妄無體故云有自體二異恆沙 加實 先空 スイル・コーラニ 顯示眞理。故云顯實也。 自空此 |論偈| 丙有三初 界 如 相隨彼長行廣 云。由答塵空故與法 則 實之中空無妄染故 如實之空。依主 略明離染非略 無是名 放中 釋 空相故也不 可 能盡 邊 夘。 論 無

法 非 倒心妄 前中言 差 應 知 取 相 型 **真如自** 應離差 別之 故叉 (境情) 相以 相。非 性非 別 切 妄境從妄念生故釋顯空無也良 相者離所 染 有理無眞如之 無虛妄心念故 ١. 相非異 法 則 纫 染法 應 取 者總 相 相 德理有情無 故 故以無妄念者離能 舉能所分 相非 故 相 非 調解 非 別 非 相 切

か何。 執 釋中執取雖多總 旣 也 配 不同故說頌曰。有非有俱非。 其非有節 不同彼也言非有相 八為顯世 屬。智者 具如彼說。今此論 無如何執無故云 達 應 間所執諸 是無釋云我非汝妄有故說 非具被論次第廣破 (非是 過此二 **真如法釋云我** 者明 具離妄有也 認 約外 非無也惑 皆非眞實及 四句故 人轉計故 非 者間 四宗 廣 顯 泯 外

應故 總 **云非有無俱也** 一總說依 說 我非 順結 非 結中妄計 為空若 存即 汝雙非故說非非非許雙 也感者又云我上 也 milian vie see all cus (1) 若 有無隨喪。今雙 無如 離 離安心實無 切眾生以有妄心念念分別皆不 塵 沙難 亦可此 何復 異等準前 結 可編 也 執 非 一立有立 可空 歷。故 可 既非我有 莜 知。 無汝並 無說具 無故 是 攝辨 如何復 無還 為 非非 立 執 釋 相 應。

初 不老無無漏業故四者清涼故不病無政二者以恆故不死離不思議退故三神四種故寶性論云一者以常故不生, 不空文中有四一牒。 以牒前顯後。次正顯不呼法滿足則名不空。 明空 不空者已 不異不空也。 撥無眞體及恆沙功德。今釋如文可知是 題法體空無妄故即是真心常恆 正顯不 空不空之 一結四 德翻 生離意 丰 三者 疑 對妄空。

境界等者釋無相所以釋云無相可取也是則 無有相一 釋疑中惑 心常 难眞 者 信論義記卷二 德 可取。 电音输旋起长山 智之境明知無妄執之 香聞淨法 可取 以 2 辨念境界雅證は 則不空不 不空則謂 也若 繁自在故淨法者淨德也樂德也以離變易苦故不 妄 相應 異 相 念 同於 所緣是 於 也 **公空言以** 14111 釋眞 情執之有故 故 如門竟 則 離念